



SchlössliTimes

Ausgabe 18

Januar 2015

#JeSuisSchlösslischranzer

In dere Usgob:

Heimspiil 2014	1
Böögge-Brätschete	3
Blaggedde Usgoob	4
Narrentreffen Leibstadt	5
birräWeich Jonschwil	6
In eigener Sach	7
Schlössli on Tour	8

Leserbriefe, Inseratebestellungen, Feedback, Artikel etc. an:
info@schloessli-schraenzer.ch

Nur 3 Täg nach em Aschlag uf d Redaktion vo Charlie Hebdo in Paris, het in Aesch d Blaggedde-Usgoob stattgfunde, dass Sujet vo de diesjöhriige Fasnacht „Bombe Fasnacht“ luttet, isch reine Zuefall.

Mir uns löhn uns drvo nit beirre und freue uns jetzt scho uf die „Bombe Fasnacht“ in Aesch vom 15. bis 17. Februar 2015.

Mir wällem neue Goschdym mir euch wärde Überache, wird nit verrote, doch me merkt eidütig, dass e neuu Sujetkommissi-

on am Wärk gsi isch und neu Idee iibrocht het.

D Vorfasnacht isch zur hälfti scho vorbi und mir gniesse momentan die legändere Carfahre und mache die ganz Schwiiz und Dütschland mit unse-rem Sound und unsere trinkfestigkeit unsicher.



Zum letschte mol im Name vo dr Redakti-on

Fabian Baumann



Heimspiil 2014

Scho zum 9. mol isch unser Heimspiil im 2014 über d Bühni gange. Grad do am Aafang vom Briicht ka ich sage, dass es wieder emol e sensationells Heimspiil gsi isch, mit tolle Gugge e grandiosi Liveband und natürlich ganz e hufe tolli Gäst und Helfer... Do derzue kömme mir aber im Verlauf vo dem Briicht wieder zrugg, aber fange mir doch vo Aafang ah...

Wie immer vor em Heimspiil treffe sich die erste zum Z'nüni im Kluserstübli, damit das grandiose Wucheend au ka gstärkt starte. Nach dr erste stärkig und dr erste Dosis Koffein isch es den au scho in richtig Mehrzweckhalle gange go dr Bode verlege. Dangg dr mittlerwiile langjöhriige erfahrig goht das ziemlich schnell und guet, usser es hetz wenig Teppich! Aber au für das hän mir e Lösig gfunde... Scho

gli het die grossi Halle d Heimspiil dimensione agno und es sin Bars, Belüüchtig, Boxe und Sitzglegeheite us em Bode gstampft worde. E neus Projektli hän mir au das Joor wieder ka mit unserem Kaffistübli im 1. Stock. Dr Michel, dr Schriber und d' Jenny hän dusse bi „schönem Wätter“ d'Element fürd dekoratoin zämme gschrubt und gschnitte. Hunderti vo Schwar-tebrätter hän miesse dra glaube aber zu guter Letscht isch e tolls Kaffistübli entstande, wo mir vermuetlich au in Zuekunft dien witerführe.

Fortsetzig uf Sytte 2

Heimspiil 2014

Scho gli isch de Fritig gloffe gsi und Halle isch zoobe am 6gsi sowit gstande, dass mir unser wohlverdient's z'Nachtess hän dörfe gniesse und den au no die obligati Hauptprob duregfiere. Nach dem isch den au Schluss gsi für dr Fritig und mir hen uns erst wider am Samstag Noomidaag troffe zum die letschte Arbeite erledige und Bar iirume.

Au uf em Parkplatz vor dr Halle isch a Samstag ganz e Hufe los gsi. Es isch fast zugange wie im wilde Weste und au e Auto isch ame Pferd zum Opfer gfallene. Mir hoffe natürlich, das es däm Pferd wieder guet goht und dass dr Baumi freud het an sim neue Auto wo vo dr Pferdeversicherig gsponseret worde isch...

Nach dem ganze Schreck und de letschte iirichtigsarbeite sin den uf die 6gsi die ganze Sponsore und Helfer zum Aperoch. An dere Stell möchte ich mi im Name vo der ganze Guggemusik Schlössli-Schränzer und em Heimspiil OK bi Euch Sponsore und Helfer für die grandiosi Unterstützig und Hilf bedangge. Ohni Euch wär dä Alass in dem ausmass nit realisierbar... Also nomol HERZLICHE DANK:-)



Am 7bni hen mir den d Tor ufgmacht und s'Heimspiil 2014 eröffnet. D Gäst sin in ströome ind Halle gstürmt und hen sich mit Geträngg und z'Esse ideckt. Glichzeitig het au unseri Liveband „LAUTSTARK“ usem Schwarzwald mit ihrer Musik für Unterhaltig gsorgt. Kurzi Ziit spöter isch den aber au scho die ersti Gugge vom Oobe ufem Programm gstande. Mit eme grandieose Applaus hen mir am halb 9ni d Fröscheloch-Echo us Niederhof DE dörfe begrüesse. Mit ihrem starke Sound hen sie im Publikum so richtig iigheitzt und Lust uf mehr Guggesound gmacht. Mit kurze Abständ sind den au scho die nächste Guggene parat gstande und hend MZH grocktt...

Es sin das gsi d Uelischränzer us Basel, Büchelgrübler us Zunzgen, Schlossberghüeler us Laufenburg, Nootetheuer us Witterswil, Hübelschränzer us Dottikon und natürlich mir d Schlössli-Schränzer als

Gastgeber. Mit dem sensationelle LineUp an Gugge us dr ganze Schwiiz und us Dütschland hen mir grandiose Guggesound uf Aesch brocht, und es isch so richtig d' Post abgange in dr Halle.

Aber wie au jedes andere guete Fest isch au s'Heimspiil 2014 irgendwann z'End gange und mir hen irgendwann miesse s Liecht aamache. Nachdem sich alli Gäst ufe Heimwäg gmacht hend isch den au wider ans Ufruume gange. Aber natürlich kunnt au do bim Ufruume wider unseri grossi Erfahrig ins Spiil und die ganzi Sach haltet sich in grenze. Dank em Mario wo gfühlti 5 Stund dr Laubblöoser testet het isch au dr Teppich wider sauber worde und mir hen uns scho gli chönne ufe Heimwäg mache. So ca. auf die 6gsi am Morge isch dr ganze Spuuk wieder verbi gsi und die letschte Tisch und Bänk sin verrumt gsi. Für die meischte isch das au dr Schluss gsi vo den Wucheend aber lang nit für alli... Es het no e paar lustigi (ca. 20 Persone) ka wo nonig mied gsi sin und den no ans Legendäre Noochspiil ins Pub sin. Für alli wo im Verlauf vom Sonntag emol vor em Pub duregloffe sin und komischi Tön khört hen...?! Ich ka euch beruhige, es goht allne guet aber Karaokeeee isch nit für alli guet. :-)

Mit dem schliess ich mi Bricht und mir freuen uns jetzt scho uf e genials

HEIMSPIIL AM 07.11.2015

Lukas Giger



Böögge-Brätschete

Am Samstag 15.11.2014 stand der Auftritt am Böögge Brätschete auf dem Programm.

Organisiert wird dieser Anlass von der Guggenmusik Böögge Brätscher aus Welschenrohr. Gut gelaunt trafen wir uns am Abend im "Lokal", um uns gemeinsam auf den Auftritt einzustimmen.

Nach einigen Bierchen wurden die Instrumente in den Anhänger verladen und man suchte sich ein Platz im Car. An dieser Stelle muss man jedoch erwähnen, dass die Sitzverteilung eigentlich jedes Mal dieselbe ist :-)

In Welschenrohr angekommen wurde der Anhänger mit den Instrumenten abgestellt und platziert.

Das Gelände vom Fest bestand aus Hallen, Aussenbereich und ein riesen „Kaffizält“ wo man warme Getränke genießen konnte. Zu erwähnen ist, dass die Halle sehr aufwändig gestaltet und dekoriert wurde. Das Motto war „Asterix und Obelix“ und man kam sich vor, wie im gallischen Dorf. Nebst den tollen Guggen sorgte ein DJ für super Stimmung und Unterhaltung (Auch besser bekannt als Troubadix). Die diversen Barkeeper (auch Miraculix genannt) hatten alle Hände voll zu tun und mixten feine Getränke für die zahlreichen Gäste.

Blaggeddeussgob 2015

Am Fritig 9. Januar 2015, frieh am Morge händ sich scho die Erste Revoluzzer und Schösslis ufem Schlossplatz versammelt und sind startklar gese für e Ufbau. Da aber s Zält bitz Verspötig gha het, händ mir halt zerst e Kaffi trunke und e Gipfeli gässe. Wo denn s Zält ändlich itroffe isch (d Zürcher händs glaub nid so mit dr Pünktlichkeit) ischs denn zimli schnäll gange und das Zält isch gstande, zum guete Glück, will genau denn hets afoh stürme....

Nachere feine Verstärkig zum z Mittag ischs denn au no and Inneirichtig gange. D Heizschluch händ miesse verlegt wärde, Bühni ufbaue, Tisch und Bänk ohne stelle, d Bar stelle usw. Dank de flissige Hälfer isch das alles au sehr züigig gange.

Am Samstag morge het sich s OK scho wider ufem Schlossplatz troffe zum no die räschtliche Sache vor z bereite, sodass am halb 4i alles parat gese isch fürs Itraffe vo de Hälfer.

Nachere kurze Instruktion het denn au jede gwüssst wasser muess mache. D Schössli und Revoluzzer händ sich denn ufe Wäg zum Startplatz gmacht.

Es wurde gesungen, gelacht und getanzt - und da die Auftrittszeiten erst um 20:00 + 23:40 Uhr waren, hatten wir auch genügend Zeit dafür :-)

So trafen wir uns also kurz vor Mitternacht bei den Instrumenten und bereiteten uns für den Auftritt vor.

Nach dem Einmarsch auf die Bühne gaben wir 5 oder 6 Lieder (ich weiss es leider nicht mehr genau) zum besten :-). Auch wurden bereits neue Stücke dem Publikum präsentiert.

Die Stimmung war gut und die Zuhörer waren begeistert.

Nach dem Auftritt wurden die Tröten und Pauken wieder in den Anhänger verladen und man hatte noch etwas Zeit, sich etwas zu Essen oder ein Getränk zu holen.

Um ca. 02:00 Uhr dann fuhr der Car zurück nach Aesch. Im Car suchte man sich ein ruhiges Plätzchen zum Schlafen, oder man machte im hinteren Carbereich noch etwas Party.

Einige Schösslis, welche noch nicht genug vom feiern hatten, gingen noch ins Jacksons Pub oder ins Probelokal.

Somit ging ein gelungener und toller Abend zu Ende.

Es verabschiedet sich

Pascalone, Partyfisch

Dört schomol s 1. Bierli zwitscheret und gwarde bis es ändlich los goht.

Am viertel ab 5i – nachdäm alli de Kirchenglocke zueglost händ – händ denn d Ratzeputzer mit ihrer Kanone dr Startschuss gäh für dr Stärnmarsch und somit au de 3. Blaggetteusgoob in däm Rahme.

Eini nach dr Andere sind alli Gugge ufem Platz itrutlet, händ ihri Fackle abgeh und händ sich im Zält ufsgstellt. Unter de Leitig vo unseren Major händ denn alli Gugge zämme dr Wanderer und s Clero zum Beste geh.

Leider hets denn gheisse Instrumänt versorge – aber bitte KEINI Getränk mit ufe neh- und jede an si Poste go die extärne Hälfer ablöse.

Mir Schösslis händ zum Glück zerst s Fest no chli chönne gniesse und händ noni miesse schaffe.

Fortsetzig uf Sytte 4

Blaggeddeussgob 2015

Als 1. isch d Blaggettevorstellung ufem Programm gstande. „E Bombe Fasanacht“ isch das Johr s Sujet. Und i glaub jetzt wüsse langsam au alli dass es z Aesch uf dr Gmeind e Bombedrohig geh het. Komplimänt an Blaggettekünstler, isch ächt e schöni Blaggette worde.

D'Stimmig Am viertel vor 8i hämer uns denn langsam besammet, händ unseri Instrumänt füre gholt und sind igstande. Bevor mir aber ufd Bühni sind hets vom Michel, am Geburtstagskind, no Shötli für die ganzi Gugge geh. Oooooooooohheeeee – Zum Wohl.



Vor tollem Aescher Publikum händ mir e souveräne Uftritt ahnegleggt. Sogar 1-2 Zugabe händ mir dörfe spiele. Leider händ mir

denn au scho wider ab dr Bühni miesse, schliesslich händ die andere jo au no welle spiele.

Am 10 hets denn au für uns gheisse: ab an euri Pöste, d Revoluzzer go ablöse. Durch unseri Erfahrig vom Heimspiil händ mir uns aber nid us dr Rueh lo bringe und sind das ganze locker agange.

Bis uf eimol dr Sturm wider agfange het und die ganzi Rueh gstört het, s isch nämli plötzlich e Kiehschrank ufem Bode gläge. Gott sei Dank händ mir aber no leeri Fässli gha und händ das Zält denn no zuesätzlich chönne beschwere. So händ d Zuschauer gar nid viel vo däm ganze Tumult mitbecho und händ s Fest bis am halb 2 chönne gniesse und s Tanzbei schwinge, zu dr Musik vom Pizza. Und i

glaub nachem gfühlte 100ste mol Atemlos cha mitlerwiele jede Aescher dr Text.

E wichtigs

.....momänt..... Highlight het natürlich nid dörfe Fehle. Dr beriehmte Line-dance vo de Schlössli-Schränzer. Zerst eimol vormache und denn los alli Aescher uf d Bühni!

Natürlich het au unsers Dauer-Geburtstagskind dr Wipfli ufd Bühni dörfe und het e ständeli und paar Shötli becho.

Am halb 2 isch denn die ganzi Blaggetteusgoob scho wider verbie gse.

Ratz fatz isch das Zält leer gse und unseri flissige Mitglieder händ ändlich Füürobe gha.

Und au dr Seiler het nach mehrere Drohige, är miessi e Bricht schriebe, dr Heimwäg gfunde.

Am Sunntig in aller Fröh händ mir denn no das Zält miesse abbaue. Trotz wenig schlof und no paar verkaterte Gsichter isch das sehr schnäll gange.

Im Name vom Ok an dere Stell nomol e grosses Dankschön an alli Hälfer!!



Narrentreffen Leibstadt

Vom Freitag 16. bis Sonntag 18. Januar 2015 fand das 2. Narrentreffen in Leibstadt statt. Organisiert wurde der Anlass von unseren Freunden der Guggenmusik Seifensüder, welche zugleich ihr 37-Jähriges Bestehen feierte. Auch wir die Schlössli-Schränzer durften an diesem Narrentreffen aktiv mitmachen und am Samstag unser Bestes geben.

Der „Luz-Turm“ erfreute sich grosser Beliebtheit. Auch die am benachbarten Verpflegungsstand angebotenen Curry- und Bratwürste fanden zahlreiche Schlössli-Besucher.

Obwohl die Wetterverhältnisse am Samstag nicht die besten waren, konnten wir im trockenen musizieren und durch die Gassen von Leibstadt ziehen.

Das Angebot an Beizen und kleineren Schlupflöchern war genial und es hatte für jeden was dabei.

In Leibstadt lebt die Dorffasnacht noch!! Dies merkte man. Jeder der ein Haus an der Strasse hatte bot etwas an, ob die nur Musik, etwas zum Essen und zum Trinken, egal es fühlte sich an als würde uns das ganze Dorf in Empfang nehmen und nicht nur unsere Freunde die Seifensüder.


Auch dieses Narrentreffen wird noch sehr lange in guter Erinnerung bleiben.



ben.

Wir danken den Seifensüder aus Leibstadt für diesen tollen Event und freuen uns auf das nächste Narrentreffen.

Mario Grassi



birräWeich'15, Jonschwil (SG)

Trofte hämmer uns am halbi fünfi wie immer in unserem Probelokal, wo au sunscht? Voller Vorfreud hämmer dr Ahänger belade, und uns no für die langi Fahrt in d'Ostschwiz mit gnügend Flüssigkeit ideckt, das au jo niemer muess durcht ha. Pünktlich wie plant simmer bi heftigem Schneetribe in richtig Oschte uffbroche. Unsere Liebelingsbusfahrer, dr Godi, het uns wie immer souverän und ohni Zwüschefäll uff

Jonschwil kutschiert. Chum zum Car ussgstiege het unseri Paukelady s'Gfühl gha, sie muess an 2 Felse go rütt-



le... und „BUMMMMMM“, het sie e wohre Bärgsturz ussglöst... do isch denn also s'halbe Pauketeam am Ranze gläge... Bravo Nicci!!!

Denn hets gheisse Instrumänt usslade und ab uff d'Bühni im Vorzält, zum e erschti Kostprob vo unserem musikalische Könnne am Publikum abzgäh. Dru-



fabe hämmer mol s'grosse Feschtzält in Beschlag gno. Viel lüt hets noni wirklich gha, aber das het sich denn au scho gli gändret. D`Stimmig isch super gsi, und an dr grosse Bar hets für jede Gschmack s'richtige gha. Näbem Hauptzält mit dr grosse Bühni hets näbedrah no e Kaffizält gha, wo d'Fründe

vom „beschnapste Kaffi“ uff Ihri Chöschte cho sind, und das uff Wunsch grad Meterwiis.

Denn isch d'Zit vo de Gugge-Ufftritt cho. 5 Gugge uss dr ganze Schwiz und us Dütschland händ für her-

voragende Guggesound gsorgt! Am 20 vor 11i isch denn unsere Ufftritt agstande. In beschter Party und Sound Luune hämmer während unserem Ufftritt au s'eint oder andere neue Lied vo dere Saison zum Beschte gäh und s'Zält so richtig grockt! Es isch e super glungene Ufftritt gsi wo mr alli Vollgas gäh händ. Do unsere Ufftritt für eimol verhältnismässig früeh gsi isch, häm-




mer no viel Zit gha zum go witer feschte und de Gugge zuelohse. Wie immer wenn d'Schlössli unterwegs sind, het me sich guet unterhalte und viel zämme glache! Bsunder glache hämmer unter anderem, wo d'Näbelhüüler us Äbike agfange händ, im Kaffizält zahlriichi Deko-Uhre abzhanke und in Rucksack z'packe. Am Schluss händ Sie denn au no die zwei grosse Holzuhre „demontiert“ und irgendwie zum Zält usegsmugglet. Sie händ uns aber glaubhaft versicheret, dass d'Thuurvögel die Uhre nägscht Wuche unversehrt zugg überchömed, wenn me sich jo am gliche Fescht wieder trifft.

Nacheme glungene Obe hets denn am 2 am Morge gheisse, istiige und abfahre richtig Aesch. E Paar händ wie immer bereits d'Heifahrt zum erhole gnütz und händ pennt, die andere händ no witer Party gha... im Bus und denn schiins au no z'Aesch im „Loch“

3 Wuche (Juhui NUR no 3 Wuche) vor dr Fansnacht cha me säge, mir befinde uns musikalisch und Party mässig ufem richtige Wäg!

Matti-Babbe-Fischi



Schlössli on Tour 2015

<u>Datum:</u>	<u>Veranstaltung:</u>
30.01.2015	Chöbler Friday, Ebikon (LU)
31.01.2015	Fröschlelochball, Murg, DE
08.02.2015	Marschprob, Grün80, Münchenstein
12.02.2015	Schmutzige Donnschtig, Dornach (SO)
13.02.2015	Guggen-Open-Air, Laufenburg (AG/DE)
14.02.2015	Wagetaufi Bärefels-Waggis, Reinach (BL)
15.02.2015 - 17.02.2015	Aescher Fasnacht
24.02.2015	Basler Fasnacht BS
08.03.2015	Bummel
18.04.2015	Ussuffete im Schlössli-Lokal

„Bombe Fasnacht“

D Aescher Blaggedde 2015 isch bi jedem Schlössli oder bi de Buechhandlig Librodrom in Aesch erhältlich.

Librodrom isch unsere offiziell Verkaufspartner.

Gold:	CHF 36.--
Silber:	CHF 12.--
Kupfer:	CHF 8.--

